

Sunn unn Nawel

Sunnaschein unn bloäwer Hiämmel,
Gott, wos it dos för ä Frääd:
ölles räigt si unn bewäigt si,
it lawendiweit ä bräät.

Ower wenn dia Nawel ziechn
unnern fiänstern Fermament,
leit dia Walt toät unn trüäbsäli,
grod als wär sa scha an End.

Diechst kee Sunn, keen Züpfel Hiämmel,
ölles it wia zugedeckt,
wos sünst fliegt unn singt unn krabbelt,
bleit verschwundn unn versteckt.

Dia ganza Walt it wia verwannelt,
wenn dia Sunn emal nit scheint,
unn dr Nawel it äs Schneuztuäch,
wu sa braucht, weöil sa halt greint.

Lass' en Nawel unn dia Wolkn!
Frä di eefich, äß sa senn!
Denk, mr kann nit immer lach ner,
alsemal muäß mr aa flenn!